

LEKGETHO LA MOSEBETSI [LEFA- HA-O-NTSE-O-SEBETSA (PAYE)]

Ke sefe se Setjha?

- **14 Phuptjane 2018 - PAYE BRS bakeng sa Tsepamiso ya dibuka ya Mongamosebetsi (ho ntshuwa ha Phato 2018) ya mofuta wa 17.1 e ile ya phatlalatswa.**
- **01 Phuptjane 2018 - Tsepamiso ya dibuka ya Selemo ka seng ya Mongamosebetsi ya 2018 (1 Tlhakubele 2017 - 28 Hlakola 2018)**
Mona le tsebiswa ka boikokobetso hore letsatsi la makgaolakang la ho nyehelwa ha Lefa ha o ntse o fumana Moputso - Pay-As-You-Earn (PAYE) e leng Tsepamiso ya Selemo ka seng ya dibuka tsa Beng ba mosebetsi bakeng sa nako ya la 1 Tlhakubele 2017 - 28 Hlakola 2018 ho SARS, ho tiisang kapa ho lokisang bokaalo ba lekgetho ba lenane la meputso e ileng ya tsebahatswa bakeng sa nako ya lekgetho ya 2017/2018, jwale e se e kwetswe ho toha ka la 31 Motsheanong 2018. Dinyehelo tsa hao di morao ho nako mme di lokela ho nyehelwa ntle ho senya nako kaha o ka nna wa fumantshwa dikotlo.
- **01 Mmesa 2018 - Tsepamiso ya Selemo ka seng ya dibuka tsa Beng ba mosebetsi ya 2018 - Annual Employer Reconciliation (1 Tlhakubele 2017 – 28 Hlakola 2018) - E KWETSWE**
Beng ba mosebetsi ba lokela ho nehelana ka Tsepamiso ya bona ya Lekgetho la Lefa ha o ntse o sebetsa (PAYE) pakeng tsa la 1 Mmesa le 31 Motsheanong 2018 ho SARS, ba lokela ho tiisa kapa ho lokisa bokaalo bo hlahellang lenaneng la bona la meputso boo ba tsebahaditseng ka bona ka nako ya lekgetho ya 2017/2018.

Ditlhoko tse itseng tsa Kgwebo (BRS) mmoho le dinako

Ditlhoko tse itseng tsa Kgwebo	Selemo se Amehang	Matsatsi a nyehelo*
BRS - PAYE Tsepamiso ya dibuka ya mongamosebetsi ya 2018/19	Tsepamiso ya dibuka ya Selemo ka seng ya Mongamosebetsi ya 2019 (1 Hlakola 2018 – 28 Tlhakubele 2019)	Ya nakwana: 15 Loetse - 31 Mphalane 2018 Ya selemo: 1 Mmesa - 31 Motsheanong 2019
BRS - PAYE Tsepamiso ya dibuka ya mongamosebetsi ya 2017/18	Tsepamiso ya dibuka ya Selemo ka seng ya Mongamosebetsi ya 2018 (1 Tlhakubele 2017 – 28 Hlakola 2018)	Ya nakwana: 15 Loetse - 31 Mphalane 2017 Ya selemo: 1 Mmesa - 31 Motsheanong 2018
BRS - PAYE Tsepamiso ya dibuka ya mongamosebetsi ya 2016/17	Tsepamiso ya dibuka ya Selemo ka seng ya Mongamosebetsi ya 2017 (1 Tlhakubele 2016 – 28 Hlakola 2017)	Ya nakwana: 15 Loetse - 31 Mphalane 2016 Ya selemo: 1 Mmesa - 31 Motsheanong 2017

* Dinako tsa nyehelo ya makgaolakang di itshetlehlile hodima ditlhoko tsa kgwebo / boitokisetso le matsatsi a tshebetso a khalendara. Tiisetso ya makgaolakang e tla tsebiswa ka nako e tla beng e lokela ya nyehelo.

Ebe PAYE ke eng?

Ka Lekgetho la Mosebetsi ho bolelwa lekgetho le hlokwang ho hulwa ke mongamosebetsi moputsoeng wa mosebetsi o lefilweng kapa o lokelang ho leshwa. Motjha ona wa ho hula kapa wa ho tshwara lekgetho ho tswa moputsoeng o ntseng o fumana ke mosebetsi hangata o bitswa PAYE.

Mongamosebetsi ya [ingodiseditseng kapa ya hlokwang ho ingodisa](#) le SARS bakeng la PAYE le/kapa Levi ya Ntshetsopele ya Boitsebelo (SDL), o boela a hloka ho ingodisa le SARS bakeng la tefo ya dikabelo tsa Letlole la Inshore ya ho se sebetsa (UIF) ho SARS. O ka ingodisa hang feela bakeng sa makgetho ohle a fapaneng ka ho sebedisa [mokgwatshebetso wa lesedi la tlelaente](#).

Keletso ya Bohlokwa: Lekgetho la Kgothatso ya Khire le kgothaletsa beng ba mosebetsi ho hira basebetsi ba batjha ka ho fa beng ba mosebetsi dinyehlisetso tsa lekgetho. [Bala tse ngata mona](#).

Le tobile mang?

Bokaalo bo hutsweng kapa bo tshwerweng bo tlameha ho leshwa SARS kgwedi ka nngwe ke mongamosebetsi ka ho [tlatsa Tsebahatso ya Mongamosebetsi ya kgwedi ka nngwe \(EMP201\)](#). EMP201 ke tefo ya tsebahatso moo mongamosebetsi a tsebahatsang paloyohle ya ditefo mmoho le dikabelo tsa PAYE, SDL, UIF le/kapa [Lekgetho la Kgothatso ya Khiri \(ETI\)](#), ebang ho hlokeha. Nomoro e ikgethang ya Referense ya Tefo (PRN) e tla be e se e kentswe ho EMP201, mme e tla sebediswa ho hokahanya tefo ya nnete le EMP201 e amehang ya tsebahatso ya tefo.

E lokela ho leshwa jwang, neng?

E tlameha ho leshwa matsatsing a supileng ka mora ho fela ha kgwedi eo bokaalo boo bo ileng ba hulwa ka yona. Ebang letsatsi la ho qetela la tefo le wela letsatsing la phomolo kapa mafelong a beke, tefo e tlameha ho etswa ka letsatsi la ho qetela la kgwebo pele ho letsatsi leo la phomolo kapa mafelo ao a beke.

Ho na le mefuta e latelang ya tefo (ho qala ka la 1 Mmesa 2016):

- eFiling
- Ditefo tsa elektronike (EFT)
- [Ditefo bankeng](#): Ditefo tsohle di ka etswa dibankeng dife kapa dife tsa ABSA, Albaraka Bank Limited, Bank of Athens, Capitec, FNB, Habib Bank Zurich (HBZ), HSBC, Nedbank, Mercantile kapa Standard Bank.
- SARS ha e sa tla amohela diforomo tsa ditefo tse tlatsitsweng ka letsoho. Ditjheke tse rometsweng ka poso / tse tlitsweng ho SARS di tla kgutlisetswa ho tlelaente.

Hlokomela: Ka kopo hlokomela hore diphetoho tsena ha di kenyeletse tsa Bolaodi ba Meedi (Customs).

Hlokomela:

Beng ba mosebetsi ba lefang, kapa ba leng kgonahalong e kgolo ya ho ka lefa Lekgetho la Mosebetsi le fetang R10 million nakong efe kapa efe ya dikgwedi tse 12, ba tlameha ho nyehelana ka ditsebahatso tsa bona tsa Lekgetho la Mosebetsi le ho etsa ditefo ka tsela ya elektronike.

Ho fumana lesedi le leqepheng lena ka dipuo tse fapaneng tobetsa dikgokedi tse ka tlase:

- [Afrikaans](#)
- [English](#)
- [Sepedi](#)
- [Xitsonga](#)